



Broj: 02-05-21160-16.2/17  
Sarajevo, 21.06.2017. godine

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka) i člana 9. stav (1) tačka h), 73. i 75. stav (2) Zakona o visokom obrazovanju („Službene novine Kantona Sarajevo“, broj: 42/13 – Prečišćeni tekst i 13/15), Vlada Kantona Sarajevo je na **86.** sjednici održanoj **21.06.2017.** godine, donijela sljedeću

## **ODLUKA**

**o proširenju broja studenata koji se mogu upisati u prvu godinu I i II ciklusa studija te integrisanog studija u studijskoj 2017./2018. godini iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja**

### **I**

Nalaže se fakultetima/akademijama Univerziteta u Sarajevu proširenje broja studenata u kategoriji studenata koji sami finansiraju svoj studij, a koji je utvrđen Odlukom Vlade Kantona Sarajevo o broju i strukturi studenata koji upisuju prvu godinu I i II ciklusa studija te integrisanog studija u studijskoj 2017./2018. godini (Plan upisa za studijsku 2017./2018. godinu) iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja i koji upisuju prvu godinu I i II ciklusa studija te integrisanog studija u studijskoj 2017./2018. godini.

### **II**

Proširenje broja studenata odnosi se na kandidate iz tačke I ove odluke koji ostvare uspjeh potreban za sticanje prava na upis u prvu godinu I i II ciklusa studija te integrisanog studija u studijskoj 2017./2018. godini i koji se na konačnoj rang-listi kandidata nalaze u okviru broja studenata koji je utvrđen Odlukom Vlade Kantona Sarajevo o broju i strukturi studenata koji upisuju prvu godinu I i II ciklusa studija te integrisanog studija u studijskoj 2017./2018. godini.

### **III**

Fakulteti/akademije Univerziteta u Sarajevu će kandidate iz tačke I i II ove odluke osloboditi plaćanja troškova studija uz proširenje odobrene kvote za broj kandidata koji je oslobođen troškova studija, kandidatima koji će plaćati svoj studij.

### **IV**

Obavezuju se fakulteti/akademije Univerziteta u Sarajevu da Ministarstvu za obrazovanje, nauku i mlade Kantona Sarajevo, u skladu sa članom 76. Zakona o visokom obrazovanju, nakasnije sedam dana nakon početka studijske 2017./2018. godine dostave konačan spisak svih upisanih studenata u svim statusima (u elektronskoj formi), uz naznaku imena i prezimena studenta, statusa u kojem je student upisan, kategorije iz tačke I ove odluke kojoj student pripada, naznakom broja bodova koji je potreban za sticanje prava na upis u prvu studijsku godinu te naznakom broja bodova koji je ostvario svaki student odnosno kandidat koji se prijavio na konkurs za upis.

V

Ova Odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za obrazovanje, nauku i mlade
- ④ Univerzitet u Sarajevu (putem Ministarstva za obrazovanje, nauku i mlade)
5. Za objavu u „Službenim novinama Kantona Sarajevo“
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1

